



Broj: 04/5-50-15-623-5/25
Sarajevo, 26. 1. 2025.

Na osnovu člana 189. Poslovnika Predstavničkog doma Parlamentarne skupštine Bosne i Hercegovine („Službeni glasnik BiH“, br. 79/14, 81/15, 97/15, 78/19, 26/20, 53/22, 59/23, 87/23, 50/24 i 73/24) i člana 180. Poslovnika Doma naroda Parlamentarne skupštine Bosne i Hercegovine („Službeni glasnik BiH“, br. 58/14, 88/15, 96/15, 53/16 i 71/24), Delegacija Parlamentarne skupštine Bosne i Hercegovine u Parlamentarnoj skupštini NATO-a je na 5. sjednici, održanoj 5. 2. 2025, usvojila

IZVJEŠTAJ O RADU

Delegacije Parlamentarne skupštine Bosne i Hercegovine
u Parlamentarnoj skupštini NATO-a za 2024. godinu

1. GODIŠNJA ZASJEDANJA PARLAMENTARNE SKUPŠTINE NATO-a

1.1. Proljetno zasjedanje PSNATO-a, Sofija, Republika Bugarska, 24. do 27. maja 2024.

Predsjedavajući Delegacije Parlamentarne skupštine BiH (PSBiH) u Parlamentarnoj skupštini NATO-a (PSNATO) Kemal Ademović i drugi zamjenik predsjedavajućeg Obren Petrović učestvovali su na proljetnom zasjedanju PSNATO-a, koje je održano od 24. do 27. maja 2024. u Sofiji, Republika Bugarska.

Na ovom zasjedanju usvojena je Deklaracija o oblikovanju NATO-a za buduće generacije na samitu u Washingtonu, koja potvrđuje savezništvo kao kamen temeljac evropske i sjevernoameričke sigurnosti, izražava zadovoljstvo članstvom Švedske i potvrđuje punu podršku Ukrajini, Gruziji i Bosni i Hercegovini na putu ka članstvu.

Usvojenim Izmjenama i dopunama Poslovnika PSNATO-a formalno je potvrđen status Bosne i Hercegovine kao zemlje kandidatkinje te Gruzije i Moldavije unutar Parlamentarne skupštine NATO-a, koji sa sobom nosi i privilegije tih zemalja poput proširenja broja članova delegacija zemalja kandidatkinja (povećanje s postojeća tri na pet članova Delegacije PSBiH), većih privilegija učešća na sjednicama PSNATO-a i komiteta PSNATO-a, ovlaštenja poput podnošenja amandmana na skupštinske dokumente i šireg učešća u budućim događajima u organizaciji PSNATO-a.

Bilateralni sastanci Delegacije PSBiH u PSNATO-u

Članovi Delegacije Kemal Ademović i Obren Petrović održali su i bilateralni sastanak s lordom Markom Lancasterom, koji je i član Delegacije Ujedinjenog Kraljevstva Velike Britanije i Sjeverne Irske u PSNATO-u.

Članovi Delegacije održali su i radni sastanak s generalnom sekretarkom PSNATO-a Ruxandrom Popom, tokom kojeg su se osvrnuli na ispunjene zaključke s prethodnog sastanka u pogledu organiziranja Rose-Roth seminara i održanog događaja Sjevernoatlantskog vijeća u Sarajevu.

Na marginama proljetnog zasjedanja PSNATO-a u Sofiji, članovi Delegacije Kemal Ademović i Obren Petrović održali su bilateralni sastanak s predsjedavajućim Delegacije Republike Turske u PSNATO-u Mevlutom Çavuşoğluom i članom Delegacije Republike Turske i predsjedavajućim Komiteta za ekonomiju i sigurnost PSNATO-a Faikom Oztarkom.

1.2. 70. godišnje zasjedanje Parlamentarne skupštine NATO-a, Montreal, Kanada, 22. do 25. novembar 2024.

Predsjedavajući Delegacije PSBiH u PSNATO-u Kemal Ademović i zamjenica predsjedavajućeg Delegacije Marina Pendeš učestvovali su na 70. godišnjem zasjedanju PSNATO-a, koje je održano od 22. do 25. novembra 2024. u Montrealu, Kanada.

Na 70. godišnjem zasjedanju Parlamentarne skupštine NATO-a izabrano je novo rukovodstvo PSNATO-a. Za predsjednika je imenovan Marcos Perestrello de Vasconcellos iz Portugala, dok su za potpredsjednike izabrani Agnes Vadai (Mađarska), Sir Alec Shelbrooke (Ujedinjeno Kraljevstvo), Mikko Savola (Finska), Julie Dzerowicz (Kanada) i Johann Wadephul (Njemačka).

Na kraju plenarne sjednice usvojeno je nekoliko rezolucija, među kojima je za Bosnu i Hercegovinu najznačajnija rezolucija „NATO nakon Samita u Washingtonu: Održivost Alijanse u budućnosti i podrška Ukrajini do pobjede“, gdje je naglašena dosljedna podrška teritorijalnom integritetu i suverenitetu Bosne i Hercegovine, Gruzije i Republike Moldavije te euroatlantskim integracijama Gruzije i Bosne i Hercegovine.

Bilateralni sastanci Delegacije PSBiH u PSNATO-u

Članovi Delegacije PSBiH u PSNATO-u su tokom 70. godišnjeg zasjedanja PSNATO-a u Montrealu imali niz važnih razgovora s delegacijama iz susjednih zemalja. Članovi Delegacije razgovarali su s Delegacijom Hrvatskog sabora u PSNATO-u, u kojoj su bili predsjedavajući Delegacije Sabora Dario Hrebak i članica Delegacije Zdravka Bušić, te s predsjedavajućim Delegacije Sjeverne Makedonije Draganom Kovackim.

Delegacija PSBiH u PSNATO-u razgovarala je i s delegacijama iz susjednih zemalja: Slovenije, Crne Gore i Sjeverne Makedonije. U ime Delegacije Slovenije bio je predsjedavajući Delegacije Slovenije u PSNATO-u Janez Zakelj. Crnu Goru predstavljali su predsjedavajući Delegacije Crne Gore u PSNATO-u Duško Stjepović i član Nikolla Camaj, dok su u ime Sjeverne Makedonije bili predsjedavajući Delegacije Dragan Kovacki i članica Slavjanka Petrovska.

Također, Delegacija PSBiH u PSNATO-u razgovarala je i s predsjedavajućim Delegacije Republike Turske u PSNATO-u Mevlutom Çavuşoğluom i članom Delegacije Republike Turske Alijem Şahinom.

2. UČEŠĆE U RADU ROSE-ROTH PROGRAMA PARLAMENTARNE SKUPŠTINE NATO-a

2.1. 106. Rose-Roth seminar Parlamentarne skupštine NATO-a, Varšava, Republika Poljska, 16. i 17. septembar 2024.

Drugi zamjenik predsjedavajućeg Delegacije PSBiH u PSNATO-u Obren Petrović učestvovao je na 106. Rose-Roth seminaru, održanom 16. i 17. 9. 2024. u Varšavi, Republika Poljska. Seminar pod nazivom „Snažna odbrana, demokratska otpornost: Poljska, prilagođavanje NATO-a i buduća evropska sigurnost“ okupio je parlamentarce iz zemalja članica NATO-a, zemalja kandidatkinja i partnerskih zemalja, visoke zvaničnike vlada, kao i istaknute predstavnike i eksperte. Cilj

dvodnevnog događaja je rasprava o ključnim izazovima za sigurnost u Evropi, s posebnim naglaskom na trenutne globalne prijetnje.

Također, zamjenik predsjedavajućeg Delegacije PSBiH u PSNATO-u Obren Petrović posjetio je Ambasadu BiH u Poljskoj. Tokom prilikom razgovarao je s ambasadoricom BiH Koveljkom Špirić, koja ga je upoznala s trenutnim stanjem u Ambasadi.

3. ORIJENTACIONI PROGRAM NATO-a, Brisel, Kraljevina Belgija, 4. i 5. novembar 2024.

Predsjedavajući Delegacije PSBiH u PSNATO-u Kemal Ademović i zamjenici predsjedavajućeg Delegacije Marina Pendeš i Obren Petrović učestvovali su u Orijentacionom programu NATO-a u Briselu, 4. i 5. novembra 2024. godine.

Orijentacioni program NATO-a koji je organiziran u saradnji s NATO-ovim Odjelom za javnu diplomatiju pružio je detaljan pregled procesa i politika PSNATO-a i NATO-a, kao i odnosa Saveza sa svojim partnerima koji se razvija.

Po završetku Orijentacionog programa NATO-a članovi Delegacije PSBiH u PSNATO-u posjetili su Misiju BiH pri EU i Ambasadu BiH u Kraljevini Belgiji. Tom prilikom susreli su se s ambasadorom Obradom Kesićem, šefom Misije BiH pri EU, ambasadorom Vanjom Filipovićem, šefom Misije BiH pri NATO-u, te ambasadorom BiH u Kraljevini Belgiji Erolom Avdovićem. Osim ambasadora sastanku je prisustvovao i šef vojnog dijela Misije BiH pri NATO-u Boris Kozlik.

4. SEMINAR - SPECIJALNA GRUPA ZA MEDITERAN I BLISKI ISTOK PSNATO-a, Rim, Republika Italija, 6. do 8. maj 2024.

Predsjedavajući Delegacije PSBiH u PSNATO-u Kemal Ademović i zamjenici predsjedavajućeg Delegacije Marina Pendeš i Obren Petrović učestvovali su na Seminaru Specijalne grupe za Mediteran i Bliski istok PSNATO-a u zajedničkoj organizaciji Parlamenta Republike Italije, Delegacije Parlamenta Republike Italije u PSNATO-u i PSNATO-a, a koji je održan od 6. do 8. maja 2024. u Rimu.

Bilateralni sastanci Delegacije PSBiH u PSNATO-u

Na marginama seminara, Delegacija PSBiH u PSNATO-u održala je bilateralni sastanak s delegacijom zemlje suorganizatora i domaćina događaja Republike Italije. Uz zahvalu domaćinu, apostrofirana je prepoznata podrška ministra vanjskih poslova Antonija Tajanija Bosni i Hercegovini u procesu pristupanja Evropskoj uniji.

Zahvaljujući se na dolasku i učešću članova Delegacije PSBiH u PSNATO-u na seminaru, predsjedavajući Delegacije Parlamenta Republike Italije u PSNATO-u Lorenzo Cesa naglasio je da je Italija uvijek snažno podržavala Bosnu i Hercegovinu, te da će to činiti i u budućnosti na putu BiH ka članstvu u EU. Članica Delegacije Parlamenta Republike Italije u PSNATO-u Maria Domenica Castellone također je izrazila zadovoljstvo zbog prisustva članova Delegacije PSBiH seminaru Specijalne grupe za Mediteran i Bliski istok PSNATO-a, te pohvalila reforme koje je BiH napravila u prethodnom periodu, nakon dobivanja kandidatskog statusa za članstvo u EU.

Predsjedavajući i zamjenici predsjedavajućeg Delegacije posjetili su Ambasadu BiH u Republici Italiji i pri Svetoj Stolicy te tom prilikom održali sastanak s ambasadoricom Amirom Arifović-Harms i ambasadorom Igorom Žontarom.

5. SASTANCI SA ZVANIČNICIMA NATO-a I UČEŠĆE U RADU SEMINARA, OKRUGLIH STOLOVA, KONFERENCIJA I RADNIH POSJETA

- Predsjedavajući Delegacije PSBiH u PSNATO-u Kemal Ademović i zamjenici predsjedavajućeg Delegacije Marina Pendeš i Obren Petrović, zajedno s rukovodstvom Zajedničke komisije za odbranu i sigurnost BiH, u Sarajevu su 10. oktobra 2024. godine održali sastanak sa šefom Odjela za političke aktivnosti i podršku NATO-a Vladimirom Vučinićem.

Vučinić je upoznao rukovodstvo Zajedničke komisije i članove Delegacije PSBiH u PSNATO-u sa zadacima i ciljevima novoformiranog Odjela za političke aktivnosti i podršku NATO-a. Cilj Odjela je jačanje političkog dijaloga NATO-a s predstavnicima institucija Bosne i Hercegovine, kao i jačanje komunikacijske strategije o NATO-ovim aktivnostima u BiH i u širem regionu Zapadnog Balkana.

- Predsjedavajući Delegacije PSBiH u PSNATO-u Kemal Ademović i zamjenici predsjedavajućeg Delegacije Marina Pendeš i Obren Petrović učestvovali su na NATO-ovom partnerskom „Simpoziju 360“ koji je održan u Sarajevu, od 22. do 24. oktobra 2024. godine. Simpozij o temi: Partnerstva u doba hibridnih izazova okupio je oko 250 učesnika, kako vojnih tako i civilnih predstavnika iz zemalja članica NATO-a i partnerskih država i organizacija. Cilj „Simpozija 360“ je jačanje partnerske zajednice i jačanje jedinstva, zajedničkih napora i djelovanja između NATO-a i njegovih partnera.

- Predsjedavajući Delegacije PSBiH u PSNATO-u Kemal Ademović i zamjenici predsjedavajućeg Delegacije Marina Pendeš i Obren Petrović održali su u Sarajevu, 22. oktobra 2024. godine, informativni sastanak s Andriusom Aviziusom, direktorom Političkog komiteta Parlamentarne skupštine NATO-a. Direktor Političkog komiteta upoznao je članove Delegacije s radnom posjetom dva potkomiteta PSNATO-a Bosni i Hercegovini koja je planirana za april 2025. godine. Članovi Delegacije izrazili su zadovoljstvo i podršku planiranoj posjeti.

**PREDSJEDAVAJUĆI DELEGACIJE
Kemal Ademović**

Dostaviti:

- Kolegiju Doma naroda Parlamentarne skupštine BiH
- Kolegiju Predstavničkog doma Parlamentarne skupštine BiH
- Kolegiju Sekretarijata Parlamentarne skupštine BiH
- članovima Delegacije PSBiH u PSNATO-u
- a/a